

太上中道妙法蓮華經卷之八終

太上中道妙法蓮華經卷之九

杜三

論蓮華品第十六

爾時

元始天尊。薄會諸天仙眾。於七寶林中。演諸妙法。時有救苦真人。前進稽首。上告

天尊曰。臣識性愚蒙。幸親仙從。竊聆妙理。豁開顯樣。敢問南闍。浮提眾生。苦樂不均。其諸富貴貧賤。壽夭之端。幸望

天慈。特垂開悟。

天尊言曰。義哉善哉。真人能比善諭。當為宣

說。是諸眾生。生處勞佚。福業報對。有作善者。有不作善者。或處富貴壽福善域。或處貧賤。或惡因。遙若香若臭。無以平等。譬如日月。光照無偏。如諸天仙眾。遍知一切。智慧光明。眾生於六趣之中。受生。如其信解經典。得聞正法。而轉天仙。智慧而無增減。如其福聚得親。無上三尊。惟諸眾生。植性何異。譬如一等。埴埴而為器用。或以盛珍寶。或以盛汗觸。各隨所受。好惡種種異用。施設不同。此為一乘。或二乘。次及三乘。若有眾生。能奉三乘。皈依真

道。種種信解。當得尸解之道。次為大仙。是故我今重為論議。何故眾生。好惡差殊。眾生有見日月星宿。有不見日月星宿者。此理云何。况諸眾生。處世類以生育。不識正真。先有惡行。今始病生。則有四種。所謂風黃瘦癯。及

成瘦瘠。時殃至於夭折。年命。我今慈愍眾生。興起方便。為說此經。若有眾生。能以勇猛。精進受持。不生退墮。是謂良藥。療除諸病。於中究義。漸躋正道。似翫除障。內外遠近。洞然徹視。我昔受度。致爾悟玄。方自得眼。能明始達。

妙法。識無空法。今已無勝。我者其義。不比六通。天眼天耳。自知他心。憶念眾生。音證智慧。我今能究玄妙。道濟庶物。蠢動微芒。悉皆覆庇。觀諸眾生。殊無一知。以暗作明。以明作暗。性就嬌息。心無智慧。善少惡多。一如座內。何

以聰明。遠色不見。近聲不聞。眾生善心惡心。立行那邊。其道伊通行。而不至。其其昭著。視而不明。以何方。便救度眾生。眾生若欲解悟。當熟聲色。去其染著。坐於空山。思念精微。離諸疑網。當得神通。為其擁護。即得出家。披戴

朝拜

三尊於此道中能思先行以此因故一切功德可以證知隨所思念上乘微理即得究竟至其道樞諸仙伉列其有衆生少智少慧有類生盲不見善果惟作惡業未知至意煩惱

迷昧行因罕積行業為緣失其壽善富貴報以天惡貧賤如是衆生皆如流轉中住不離樊籠難起妙道於是救苦真人聞如是言心生憫惻恐諸衆生永沉惡趣再白  
天尊言巨今願為救度使出輪迴是時

大尊隱几颺言曰善哉善哉子今能如是願父母憐之赤子也施其撫育行其濟度救護衆生以言經名為法華遍滿虛空普資仙導接引迷惑得出三界得親上仙或有衆生先世善少惡多不別清淨正真惟溺貪嗔愛欲致杜三以風黃痰瘴橫雷暴寒乎以此經隨方療治即當隨瘴漸得解脫借其至真有明常達無明則滅若住善中如生得眼能明艷色得之玄元擺脫六塵永滅三途遂出三界不溺輪迴於三乘義中當得玄理身有光明隨方

所欲名為妙道爾時天尊重宣此義而作頌曰

日月二光照 平等映無偏  
譬如一慧星 光明如日月  
延填為器用 任意各所盛

珍寶并污淨 輕重各差殊  
善惡隨所有 報對諸苦樂  
若有各諸法 是名坐變志  
如有生育者 不見日月星  
復作如是言 無有諸色類

既得於良藥 煩消知色味  
如是等四種 和合而療治  
至以生育者 日逐光明已  
無智受苦道 是以痴世中  
如是通一切 無上真人知  
能奉道師者 出離三界已  
真人以心懸 念爾有是智  
或深窟舍中 聲色難聞彼  
如是各遠居 他人如汝所  
若善若惡心 汝不能知彼

太上中道妙法蓮華經卷之九



欲向其靈舍 不步不能往  
汝若念彼時 當得神通已  
受苦謂空閑 思微并淨志  
若以入空寂 真人當度世  
六度行清淨 空寂即無趣  
衆善悉皆修 諸山無別故  
別法各空寂 四種凡諸行  
教化諸衆生 天人亦讚說  
諸法皆平等 一切生道智  
平等當自是 道法天流值